



山中秋夜

石床彈月雀聽琴玉宇凝秋絕
點塵萬里無雲銀漢淡
一天風露濕星辰

寄別方蘭室

醉下山樓客袂分秋慕
猶帶碧闌雲歸來紙帳眠清夜
半夢梅花半夢君

水仙花

冰魂月魄水精神翠袂凌波濕楚雲
雪夜清閑誰是侶
汨羅江上伴湘君

春閨

屏山夢斷整雲鬟金鴨吹香火未殘背倚闌干聽燕語
一簾風雨捲春寒

槿菊

槿菊叢中遶水涯深紅淺紫映山家平生不識春風面
籬落秋深各自花

孔明高卧圖

未用胷中八陣兵草廬高卧掩柴扃當時不見劉玄德
誰識先生是將星

蓮花亭避暑

日火燒空海欲乾蓮宮深處畫生寒佛家一片清涼景

借与詩人盡日看

贈易數周仁山

河洛圖書非紙上乾坤交象只胷中煩君細算乘除數
吾道何時可變通

龍江無杜鵑

客裡春殘又一年落花滿地草連天緣何不動歸欵興
祇為龍江無杜鵑

道觀即事

月到松庭宿未眠玄都羽士誦靈篇玉爐烟斷瑤壇冷
金磬一聲霜滿天

暮春

園林芳事已闌珊
開盡荼蘼亦懶看
深院日長眠聽雨
重日簾影隔春寒

傷春

東皇別我太匆匆
急景相催鬢已翁
杜宇一聲花結局
人生消得幾春風

即景

籬落西風野老家
閑看景物感年華
柳衰荷敗芙蓉死
交割秋光与菊花

贈上人

懶聽人是与人非
有耳如聾未是癡
不采當時臨濟喝
威王前事已先知

墨蘭

一幅出花倚客窓
離騷讀罷意淒涼
筆頭喚醒靈均夢
猶憶當時楚畹香

寄任子忠

老去懷人鬢已秋
江山猶帶別時愁
碧雲不隔相思夢
幾度吟魂到客舟

和李藍溪梅花韻

孤山別後有誰憐
踏雪看花又一年
幾度相思空夜月

角聲吹恨不成眠

覓句通仙琢肺肝聲名千古冠吟壇一詩香盡西湖水
白雪陽春和者難

一枝寒玉倚橫塘和雪攀來袖亦香
插向膽瓶籠紙帳
長教夢遶月黃昏

南枝開遍北枝開祇恐飛香落砌苔
踏雪詩人應癖好
杖藜日日為詩來

折柳

陽關一曲灞橋春垂綠陰中
別恨新漫折青絲千萬縷
多應絆不住行人

畫筍

錦箨斑斑帶露痕毫端寫出此君孫
清高不肯埋塵土
根本雖無有節存

秋吟

蘆花零落點汀洲白鷺飛邊泊小舟
水落漁磯風露曉
殘荷數點冷擎秋

曉暹支筇步屨遲西風吹露濕秋衣
舉頭凝望青山外
萬里江天一鴈飛

秋高風急鴈來初久客松江豈為鱸
好夢不成人睡覺
半窓殘月夜燈孤

淪落天涯已白頭
西風吹帽冷颼颼
悲秋未了悲身世
一樣情懷兩樣愁

畧約當門石逕斜
槿籬深護野人家
炊烟起處江村晚
一片斜陽萬點鴉

滿眼秋光動客情
小園閑步杖藜輕
黃花憔悴應思晉
總遇淵明香便清

王荊公廟

遺像巋然占古祠
區區土偶亦冠綏
無言似想青苗策
面目猶如執拗時

項羽臺

失計鴻門恨未消
一生霸業亦徒勞
當時謾築臺千尺
爭似歌風地步高

柳

腰舞東風未肯休
西風吹葉翠眉愁
誰知此是多情樹
最愛春光最怕秋

梁燕

梁間兩處燕成窠
來往銜泥帶落花
昵昵並頭休巧語
相依總在別人家

梅花

竹邊籬外樹封苔
兩蕊三花帶雪開
蜂蝶只貪桃李艷

嫌花冷淡不飛來

酒家

風颭青帘掛杏村
田家新釀甕頭春
今年米貴無錢糴
買醉銜盃能幾人

江村

極目江天一望賒
寒烟漠日西斜
十分秋色無人管
半屬蘆花半蓼花

西山韓太師墳

古墓年深草樹荒
石人石馬卧斜陽
爭如潮上通仙塚
詩骨埋雲萬古香

床屏墨竹

淇澳新梢筆下分
枕屏墨暈點寒雲
詩人絀帳眠清夜
不夢梅花夢此君

和靖墓

西湖卜隱為詩忙
吟到梅花字字香
鶴不歸來山寂
梅邊閑詠月昏黃

述懷

故鄉迢遞幾時還
目斷長江杳渺間
一雁飛邊天萬里
白雲多處是青山

寓舍古木無葉

桃李門墻萬柳青詩人茆屋獨淒清
簷前古木無春葉
可怪東風亦世情

秋信

豈雨初晴浣溽埃報涼梧葉墮
堦苔一聲新鴈南樓外
早送西風信息來

秋色

虹影界開微慘淡雁痕點破更淒清
一番雨過天容碧
盡是西風染得成

秋聲

庭外梧桐葉上風樓頭過雁砌邊蛩
隔窗砧杵敲殘月

喚起鄉愁歸興濃

秋陰

漠漠寒烟暗綠汀江涵鴈影不分明
一天暝色迷清晝
雲閣西風雨未成

秋霽

雨過郊墟涼意新癡雲散盡十分晴
隔江一抹斜陽影
恰向蓼花紅處明

秋意

庭前梧葉雨晴後江上荻花風起時
涼透書窓人未覺
葛衣竹簟已先知

閨情效香奩體

金鴨烟銷一字香滿懷春恨強梳粧看花又怕東風惡
偷隔紗窗看海棠

淚浣香腮粉未乾相思成病怯春寒此情欲向琵琶訴
整得琵琶又倦彈

黛眉愁裏斂雙蛾別久無書爭奈何欲待怨他還又憶
怨時較少憶時多

懶向粧臺對鏡鸞羅衣怯薄正春寒黃金絡索珊瑚墜
獨立春風看牡丹

江村即事

江村暝色漸淒迷數點殘鴉雜雁飛雁宿蘆花鴉宿樹
各分一半夕陽歸

春日

紫燕評春語画梁黃鸝攪曉嘒垂楊博山烟冷書窓靜
風颭瓶花點硯香

舟次九山

水雲盡處列奇峯螺髻參差杳靄中江岸維舟看不了
烟嵐分碧入疎篷

讀秦紀

并吞六國獨稱雄經籍灰飛烈焰中書外有書焚不盡

一編圮上漢成功

脩竹館舍

乳燕銜泥春晝長
枕書無夢到高唐
桃花紅雨梨花雪
相逐東風過粉牆

夏日陪王君玉汎舟鑑湖

波光萬頃接天光
画舫歸來載夕陽
一棹湖心天不暑
萬荷風裏滿身香

秋夜登西樓

清逼金英玉露溥
姮娥深夜不禁寒
桂花香裏人敲句
倚遍高樓十二闌

雜詠

柳嫌暮雨鶯聲澁
花怯東風蝶夢寒
偶憶故園春色好
他鄉花柳帶愁看

人非陶令空看菊
詩不林逋漫詠梅
晉宋後來愛花者
輸他高節与高才

天外斜陽猶在樹
林間宿鳥已歸巢
黃昏莫把柴門掩
恐有詩人帶月敲

穉柳已回春暖意
殘梅猶結歲寒心
百年身世詩中老
好景難消幾度吟

新綠園林微雨後
落紅庭院夕陽時
一聲杜宇催春去

貪睡唐妃未必知

持螯已飽團臍蟹，砧鱠猶思巨口鱸。風物秋來多感慨，

天寒酒醒客心孤。

囊底詩成無賣處，床頭金盡已多時。元龍豪氣依然在，

慣守清貧豈足悲。

人無氣節何足道，腹有詩書自不同。實學真才誰具眼，

江湖難遇杜司空。

地多種竹堪容鶴，池不栽蓮恐礙魚。小徑荒苔人不到，

閉門閑學換鵝書。

竹林夏日

不炎光玉萬竿，仙林便作晉林看。此君長帶冰霜氣，

醉卧綠陰詩夢寒。

滴翠松

老翠蟠空一樣高，月分寒影落庭皋。哦詩猛把闌干拍，

宿鶴驚飛露濕袍。

夜窓

香篆烟銷夜已闌，硯池冰結漏聲寒。梅花影戀書窓上，

應待詩人帶月看。

寄郭印齋

相思何日得相逢，料想君心與我同。莫怪近來書寄少，

鴈飛不肯下秋空

七言律

枕易 越中詩社試題都魁

古鼎烟銷倦點朱，偷然高卧夜寒初。
四簷寂々半床夢，兩鬢蕭々一卷書。
日月冥心知代謝，陰陽回首驗盈虛。
起來萬象皆吾有，收拾乾坤在草廬。

考官李侍郎應祈批詩題莫難於枕易，自非作家大手筆，詎能模寫。蓋以其不涉風雲雨露江山花鳥，此其所以為難也。予閱三十餘卷，鮮有全篇純粹。正如披沙揀金，使人悶々。忽見此作，若紛々盈盎中得古

壘洗把玩，不忍釋手。此詩起句倦字，便含睡意。額聯氣象優游，殊不費力。曲盡枕易之妙。頸聯真心回首四字，極其精到。結句如萬馬橫奔，勢不可遏，且有力。量全篇體製合法，度音調諧宮商三復，降歎。此必騷壇老手，望見旗鼓，已知其為大將也。冠冕衆作，誰曰不然。

棋聲

何處仙翁愛手談，時聞剝啄竹林間。
一枰子玉敲雲碎，幾度午窓驚夢殘。
緩著應知心路遠，急圍不放耳根閑。
爛柯人去收殘局，寂々空亭石几寒。

題李藍溪梅花吟卷

孤芳不與衆芳同肯媚東君事冶容寒苦一生蘇武雪
清高千古伯夷風瓊瑤照樹偏宜晚鍊石盤根却耐冬
幾度看花立霜曉斷腸都在角聲中

秋夜

博山香冷夜將闌紅影搖窓燭未殘庭樹露濃花氣濕
井梧風老葉聲乾世情冷暖知心少朋舊東西會面難
一段客愁吟不就無言背月倚闌干

秋夜和月山韻

任月山主人也

寒夜殘燈照客愁衾單添盡鵲鷓裘半窓明月三更夢

一枕西風兩鬢秋吟骨稜々寬帶眼歸心切々望刀頭
何時束篋家山去獨駕柴車訪伯休

蘭亭會飲觀晉帖

祇說清談晉業虛禊亭此樂後來無一時人物已陳迹
千古山林空畫圖鐘帶夕陽來遠寺碑和春雨卧平蕪
昭陵玉匣猶難保筆意從誰認鼠鬚

春游次王脩竹監簿韻

天色新晴帶薄寒主人領客出郊閑蘭亭觴詠尋羲帖
窳石衣冠弔禹山春水斷橋芳草碧曉風啼鳥落花閑
囊中詩句壺中酒何必仙人大小還

脩竹宴客東園

二月韶光潑眼濃
携樽宴客小亭東
酒當半醉半醒處
春在輕寒輕暖中
拂檻柳添吟髻綠
壓闌花妬舞衣紅
晚來聽唱梁州曲
聲繞吳姬扇底風

書懷

剛腸不撓是男兒
舌在囊中豈足悲
落世情難苟合
徨客路欲何之
舊時風月堪遺恨
好處江山尚欠詩
莫把閑愁縈素抱
人生双鬢易成絲

送張伯威提舉

人生聚散等浮漚
憶昔過從與勝遊
棋局敲殘清夜月

菊花吟老半窓秋
客中送客難為別
山外看山總是愁
回首片帆江路遠
疎烟斜雨到西州

春日即事

園林芳事漸闌珊
客思無聊午夢殘
紅杏花繁蜂窠飽
碧芹香老燕泥乾
光陰有限髮已白
勲業無成心尚丹
倚徧吟闌天欲暮
一簾風雨捲春寒

小酌

小酌園林酒半醺
落紅影裏惜餘春
插花歸去蜂隨帽
傍柳行來鶯避人
白髮尚為千里客
黃金難鑄百年身
何時歸賦滄浪水
浣我征衣萬斛塵

城南即事

支筇破曉出南城古寺淒迷草自生幾處亭臺空鎖鑰
百年人物盡丘塋雕梁語燕應無主廢圃殘花自有情
世事轉頭皆夢境浮生何用苦營營

夜坐次林梅山韻

人倚幽窓夜未闌竹爐灰冷篆烟殘一天露氣星辰濕
萬壑風聲草木寒老去客懷多感慨年來世事轉艱難
何時歸隱孤山下明月梅花約共看

有感

自嘆文章不過時平生壯志與心違十年湖海無家住
千里鄉關有夢歸殘夜月寒燈暈淡高秋天濶鴈聲微
傷今思古愁無奈老淚斑斑濕客衣

即事

蠅頭蝸角兩無營心地寬閒景亦清山色淺深分遠近
雲容舒卷弄陰晴曉窓對菊思元亮秋佩紉蘭效屈平
獨倚西風凝望眼一行鴈影夕陽明

生朝自述

都道人生七十稀老逢初度嘆衰遲飛觴醉月貧無酒
走筆吟春富有詩憔悴自憐蒲柳質劬勞空起蓼莪思
門無賀客清如水獨對蘭花課楚辭

雪

片心隨風整復斜飄來老髻覺添華江山不夜月千里
天地無私玉萬家迷岸未春飛柳絮前村破曉壓梅花
羔羊金帳應粗俗自掬冰泉煮石茶

九日客懷

烏帽斜欹白髮侵老來空憶舊登臨一枝黃菊西風淚
數畝蒼苔古國心梧顛秋聲庭露冷雁傳寒信塞雲深
不煩貰酒酬佳節只把陶詩細細吟

舟次擘蒲廟

短棹衝寒過浦東扁舟一葉載詩翁斷烟流水殘雲外

古木蒼祠夕照中吟罷小樓何處笛酒醒孤枕半江風
潮生潮落朝還暮堪嘆人生自轉蓬

月夜登樓

玉宇澄清暮靄收吟邊怕倚仲宣樓寒蟾千里夜如晝
新雁一聲天欲秋湖海誰青豪傑眼風霜易白少年頭
更殘忽聽荒城角吹老梅花總是愁

送慈川茅主簿入道

儒冠不戴七星冠人世榮華作夢看譜出三茅終得道
趣同五柳早休官月寒緜嶺來坐鶴春藹慈川憶枳鸞
咲指方壺最深處凌空霞珮玉珊珊

月夜次脩竹韻

從倚吟闌傍野塘古譙蓮漏滴更長月堦夜靜蛩聲切
竹院秋深鶴夢涼坐挹水風侵袂冷眠分花露滿身香
浩歌欲溯明河去醉喚天孫織錦裳

寓浦東書懷

子規聲裏已非春消遣光陰只苦吟肘後無方醫白髮
牀頭有易勝黃金年來不作功名夢老去全灰富貴心
獨抱焦桐遊海角紛々俗耳少知音

呈營田司杜希聖提領

行李擔書一鶴隨蓮香慊幕政聲馳山川太史九州記

桑稼豳風七月詩如晦箕裘傳相種少陵衣鉢付孫枝
謀身儒術誰云拙堯舜君民正此時

寄毛素軒宣慰

旌麾魯駐鑑湖邊別去匆匆又兩年清夜夢分千里月
同鄉人各一方天素知心事有鷗在欲寄音書無鴈傳
見說使星臨浙右明朝便買渡江船

酒趣

濁醪妙理契心期小甕新窰香滿卮閑裡一生長是醉
飲中三昧有誰知幕天席地忘形處枕麴眠糟得意時
此味靈均應未解獨醒到死欲何為

秋懷

雨裡西風已倦游老懷悲感不禁秋世無阮籍誰青眼
今有杜陵人白頭雁擺行知兄弟義燕營巢為子孫謀
誰憐湖海飄蓬客隻影孤燈相對愁

偶書

頻年踪跡墮江湖三徑苔荒憶舊廬身老方知生計拙
家貧漸覺故人疎松薪拾去朝炊黍漁火分來夜讀書
怨鶴驚猿應待我台山何日賦歸欤

觀史

梧風蕭瑟雨初晴涼入書堂夜氣清耿耿蘭膏照千古
遲遲蓮漏轉三更力於興廢應難助氣為忠邪幾不平
掩卷長嗟方就枕窓前唧唧又雞鳴

暮春

寂寞園林三月時客中幾度見春歸柳眉綠嫩鶯無語
花臉紅銷蝶懶飛節物暗催雙鬢老功名長與寸心違
百年身世成何事回首西山又落暉

對月

萬里無雲天宇寬十分秋色上樓看月浮滄海蟾光濕
星落明河象緯寒醉後儘教詩筆健吟邊莫放酒杯乾
一聲長笛知何處愁殺夜深人倚闌

秋夜

十分秋色滿軒窗景物淒清夜氣涼
節月簾櫳金鎖碎搗霜砧杵玉丁
璫井梧葉脫無多影岩桂花凋不
斷香坐到更深吟興動研池滴露
寫詩狂

寓舍即事

矮屋編茆種縛籬詩人佳處恰相
宜萬間突兀夢不到一室淒清心
自知窓下無燈童睡早林間有月
雀歸遲八荒便作庭除看南北東
西任所之

書懷奉簡蘭若提舉

十年湖海歎飄零晚景投閑百念
輕看水看山真有味

學書學劍恨無成竹風吟曉詩情
動梧雨敲秋客夢驚老傍人門非
久計不如歸去學淵明

登寶飛來峰有井通海在塔下龜公墓越王臺在側

乘風飛步碧崔嵬萬壑千巖入眼
來古甃直穿滄海破浮圖高拂白
雲開龜公埋沒今無塚烏喙登臨
舊有臺立盡斜陽欲歸去一聲孤
鴈過蓬萊

題吳實齋北山別業

北山佳景勝南山乘興登臨眼界
寬樵斧伐雲春谷暗漁榔敲月夜
溪寒一區池占林泉勝四面天開
圖畫看竹屋數間塵不到主人日日
凭闌干

書館

池館深。鎖翠涼。課餘多暇日。偏長屋。連湖水。琴書潤。窓近花陰。筆硯香。吾道尚存。負亦樂。客身長健。老何妨。十年心事。閑搔首。厭聽蟬聲。送夕陽。

依綠亭

數椽瀟灑。瞰清漪。蕩漾烟霏。欲濕衣。闌角寒光。搖翡翠。簷牙倒影。浸玻璃。荷邊鼓瑟。游魚聽柳。花敲棋。睡鷺飛。洗盡紅塵。青眼客。臨流何惜。賦新詩。

秋思

天容凝碧。換秋容。殘暑冷然。一洗空梧葉。多應愁夜雨。葛衣漸覺怯。西風十分淡。冷砧聲外。一片淒涼。鴈影中興動。萼鱸欲歸去。張翰心事。恰相同。

題四暢圖

四暢圖中。四散人。藤床對坐。遣閑情。搔頭真有。爬梳態。搗鼻應無。噴嚏聲。捫蝨未聞。談世事。撫鬚元為。不科名。一時快意。皆真樂。誰把丹青。寫得成。

登寶林塔

屹立浮圖。可摘星。吟邊喜。与客同。登闌干。六曲又六曲。梯級一層高。一層極。目江山無礙。障著身。霄漢欲飛騰。雁來疑是。題名處。拂拭殘碑。問寺僧。

偶述

漂泊江湖祇自憐
人生窮達信關天
老難干祿心灰矣
貧不求人氣浩然
五斗豈能留靖節
一瓢亦足樂顏淵
客來問我生涯事
閉戶開書對聖賢

涼夜即事

涼入虛堂睡思濃
夜深剪書燭花紅
光搖珠箔梧桐月
香透紗厨茉莉風
秋枕覺來人不寐
撫髭吟罷句難工
小蠻問我詩成未
詩在池塘草夢中

次月山少監客京韻

匹馬攬春入帝京
秋深猶未問歸程
一書不及因風寄
千里空教共月明
霄漢已隨黃鵠舉
家山應負白鷗盟
便湏了却封侯事
衣錦歸來客亦榮

聞角

誰角呶鳴到枕邊
情似向曲中傳
梅花三弄月將晚
榆塞一聲霜滿天
織錦佳人應有恨
枕戈老将想無眠
爭如二月春風市
賣酒樓頭聽管絃

舟行送王琴所之湫川

晨星寥落曙光浮
柳岫風輕送客舟
萬點遠山重叠恨
一江流水淺深愁
淡烟茅店家
曉白露楓林處
秋獨倚蓬窗還自笑
此身漂泊愧沙鷗

寄峽山胡府判

鑑湖狂客又西湖
筆硯生涯計已迂
五斗自慚腰不折
四方安得口能餉
家山迢遞鄉心遠
燈火淒涼客影孤
莫悞風前看落雁
尺書還肯寄來無

送姜仕可去館

行止非人可預謀
愛君無計與君留
張儀失策猶存舌
穆傅知幾可掉頭
黯々別懷江路晚
蕭々行李驛亭秋
明年我亦携書去
不落人間第二籌

梅龍

孤根蟠屈浸水湖
螯裡陽和發朽枯
雪樹鱗封寒水玉
月梢頷吐夜明珠
暗音吹冷龍涎濕
踈影涵清蛻骨癯
安得華光葉公筆
共描橫水卧雲圖

江湖偉觀

環峙山川秀氣鍾
人烟樓閣鬱重々
潮生潮落東西浙
雲去雲來南北峰
海曙扶桑紅影濕
堤春楊柳綠陰濃
子胥已遠岳侯死
斗酒聊澆磊塊胸

隨隱為祝南山賦

蹤跡何拘似白雲
不專丘壑避紅塵
田堪耕稼即莘野
水可釣魚皆渭濱
無礙滯心寧擇地
有幽閑處便容身
一筇忽入青山去
豈是終南捷徑人

春日郊居

卜築幽居慰寂寥。數椽茅屋傍江郊。庭前膝蔭薜筍爭長。
籬下陳雷蔓。結交杏圃花香。蜂課蜜芹塘泥暖。燕營巢
山窻對景。渾無事吟得詩成。手自抄。

偶書呈王脩竹

琴心不復寄松蘿。賀鑑湖邊水自波。晚節黃花秋思淡。
夕陽紅樹客愁多。何時歸宦招丁令。有意逃漁侶志和。
不管白頭烏帽落。西風一曲付狂歌。

寄郭樞山

起歎英聲亦有年。酒邊曾見錦囊篇。吟情六義初刪後。
古意三爻未畫前。放曠嗣宗應絕俗。清狂太白不妨仙。
如今海內無工部。誰肯題詩寄鄭虔。

燈花

發生元不假栽培。一點春從午夜回。自喜結根依小草。
不愁飛片點蒼苔。螢已。有。艷。蛾。頻。撲。淡。已。無。香。蝶。不。猜。
窻下敲棋紅燼落。更深約客未曾來。

樂道

門掩荒苔客到稀。閑情已與世相違。曾中宇宙自然景。
眼底江山不盡詩。雲淡風輕皆道體。鳶飛魚躍總天機。
吾心與物同真樂。此處寧容俗子知。

次毛一齋韻

詩夢驚殘何處棋書窓又是夕陽時柳陰分綠籠琴几
花片飛紅點硯池覽鏡自憐添白髮傳杯不復倩蛾眉
東風故國年々恨唯有啼春杜宇知

寄月山少監

一片襟懷海樣寬
斜頭肯為別離攢
臂鷹慣識從君樂
汗馬寧辭行路難
角帶邊聲関月冷
鴈傳鄉信塞雲寒
歸來未許東山卧
見說蒼生望謝安

送文正公遺像與王東廬

古畫來從寶繪堂
遺君敢惜舊珍藏
貌存故國三公貴
澤衍來孫百世芳
家廟幾年成闕典
宗支此日倍增光
當時種德根苗遠
分得槐陰到宦鄉

遊西湖次毛玉田韻

觸目錢塘昨夢非
行春載酒憶當時
花間不碾香輪入
柳外空鞭駿馬飛
落日荒山和靖墓
斷雲流水子胥祠
忘情鷗鷺閑于我
應笑江湖客未歸

故國有懷呈任子宏提舉

十年不作還家夢
荒草深々鎖竹扉
無主落花隨水去
有情啼鳥勸人歸
儒冠寥落風流減
客路淒涼故舊稀
何日携琴賦歸去
踏雲自採故山薇

寒夜即事

倚編闌干更漏長柔髭撚斷為詩忙清分梅影夜宜月
寒入鴈聲天正霜懷古頓添孤客恨追懽難學少年狂
讀書窓下篝燈生一卷離騷一篆香

謝章平章惠筆

管城二子樣尖新分惠山房勝与金淮兔拔毛誇匠巧
魯魚正字見功深抄書未得纖毫力握管難忘一寸心
揮翰玉堂無夢到雅宜茅屋寫清吟

龍江館舍

幽棲俗事不相關家在青松翠竹間
遠屋四圍都是水
隔林一片不多山詩篇陶寫清秋景書冊消磨白日閑
門外沙鷗如舊識忘機飛去又飛還

元日

睡眠朦朧撐不開鷄聲唱曉夢驚回竹爐尚有殘冬火
柏酒初斟新歲杯身世百年如夢幻功名兩事已心灰
門無賀老清閑甚自汲寒泉浸古梅

偶題

一春過半近清明點滴簷聲未肯晴細柳雨中垂絲重
殘花風裏落紅輕世間白髮存公道眼底青山不世情
富貴倘來忙不得人生何必苦營營

俞景仁教諭相過

江雲舒卷弄陰晴
新綠園林似染成
花怯曉風寒蝶夢
柳愁春雨濕鶯聲
栖遲茅屋無塵事
深閉柴門遠俗情
佳客相過慰岑寂
酒邊閑把近詩評

脩竹有樓名与造物游對秦望山五雲門

秦望諸山隱几看
仙居縹緲五雲端
天高地迥三千界
月白風清十二闌
滄海氣侵珠珮濕
明河影逼玉簫寒
超然身在鴻濛上
何必蓬萊跨紫鸞

脩竹宴客廣寒遊亭分韻得香字

銀橋疑駕海天長
金粟離日照玉觴
影浸山河瓊殿冷
舞分風露羽衣香
亦知廣莫元無野
却笑溫柔別有鄉
閑折一枝驚昨夢
素娥憐我授玄霜

酒邊呈張景純能画山水

蓬萊閣上笑談餘
別後思君看画圖
萍水相逢俱老矣
家山自好盍歸乎
清風一榻莊周蝶
明月扁舟范蠡湖
此是達人真樂事
客中何必嘆窮途

江上客懷

鏡裏從渠白髮添
吟邊抵掌復掀髯
十年為客甘清苦
一枕忘情付黑甜
短褐怯風綿未絮
破窓漏月紙重粘
梅花應念人孤寂
寒夜吹香入竹簾

夜坐

香篆烟銷夜氣清
篝燈開卷遣閑情
半窓月落梅無影
三徑風來竹有聲
樂道何須圖富貴
讀書元不為功名
白雲滿榻便高卧
歌枕詩成夢不成

挽衛山齋

樞夢驚殘忽告終
儒林多士失宗工
雲間便覺無清氣
江上誰能繼古風
蕙帳夜閑孤鶴怨
節齋人去九山空
我來豈為私情哭
痛君止吾道窮

武公後裔有仍孫
德望才名世所尊
擬向山中專註易
忽傳地下趣修文
月樓不復廢詩句
春閣猶思共酒樽
痛恨死生千古隔
西風吹淚濕秋雲

送任子敏司丞赴北

鞭影拖雲入帝京
少年正好作功名
不辭驛騎三千里
欲奮鵬搏九萬程
白玉堂中揮翰墨
黃金臺上被恩榮
何須折柳送行色
只寫詩篇話別情

和俞教授見寄韻

天邊日月似梭飛
百歲光陰難預期
有酒不妨留野客
無錢何惜典春衣
江山猶記登臨處
身世都非少壯時
晚景清閑宜學道
黃庭一卷究玄微

任復齋池中有瑞蓮命予賦之

芙蓉開處傍池亭
花結雙頭媚晚晴
兩隗駢肩如欲語
二喬並首似含情
同心淨植真奇種
聯蒂騰芳以瑞名
若使灑溪當日見
愛蓮有說恐難評

鹽

同締入貢載遺經
分賜群臣羨水晶
潤下作醎從海產
熬波出素似天成
享神潔白惟形似
富貴珍奇以寶名
此物可方為相事
他時商鼎用調羹

餅筍

熱中竟日自煎烹
音調都從一氣生
緩口煮湯方蟹眼
微口聒耳忽蠅聲
頻驚清寐愁無夢
似訴羈情歎不平
却笑書生那解此
聯詩石鼎羨弥明

書懷

杜門已與俗相違
苔徑荒涼轍迹稀
自愛清涼忘世慮
肯求富貴役心機
隱居盤谷勝金谷
耐着麻衣鄙錦衣
百歲光陰皆夢境
且看兔走與烏飛

和杜柳溪韻

安貧樂道豈卑微
肯羨黃金帶十圍
爵列三公今却有
齒踰七袞古來稀
滿頭霜雪容懷老
過眼輪雲人是非
皎口白駒在空谷
好賢誰復詠緇衣

布金潤玉隱廢寺閑居

楚剝當年聚衆僧
叢林深處着禪扃
金沙布地階無土
玉軸堆函藏有經
雲樹千尋張翠蓋
烟蘿一片展青屏
星移物換今寥落
古寺猶存柏子庭

和葺廬韻

地僻渾無車馬喧
禪房脩飾稱居安
莊嚴固是由心造
丹雘多應被眼瞞
佛法不須身外覓
世緣只作夢中看
我來欲問無生話
萬頃西江一吸乾

偈成簡任肅齋教諭

百年光景易侵尋
消遣閑愁只苦吟
但覺筆頭風雨濕
不知髻底雪霜侵
宦鴻已負九霄志
老驥空懷千里心

富貴倘來應有命
何須彈鋏扣知音
百歲光陰一轉蓬
晚年不與少年同
事因錯處人方省
詩到窮時句始工
獻賦未逢楊得意
憐才難遇杜司空
有時追憶承平事
猶道繁華是夢中

貧病交攻久廢詩
蕭然一室獨棲遲
酒錢已盡琴將典
瓶粟無儲宦亦飢
豪傑不多陳仲舉
結交惟欠魏無知
簞瓢鍾鼎都休計
畢竟窮通各有時

奉謝月山太守

太守相過慶誕辰
貴能下賤見公心
行厨鼎列雙魚美
衆客咸瞻五馬臨
曲唱駘駘誇白雪
杯傳鸚鵡擁青衿

寵頌束帛尤增感恩与滄溟一樣深

夜坐即事

霜氣侵窓冷客氈青燈白髮老堪憐光陰明日又明日
世事一年難一年眼底江山元似舊胸中風月本無邊
道人不作陽臺夢紅帳梅花伴獨眠

和毛亦山先生雜詠

風柳吹花糝白羶鶯愁蝶恨有誰憐不知春事又三月
堪笑人生無百年清氣長留詩卷裡閑愁不到酒樽邊
山窓晝永渾無事一榻分雲枕易眠
身世飄浮水上蓬閑中清事有誰同吟窓夢草添詩料

畫筆生花奪化工酒後烏_口時擊缶愁來吐_口自書空

園林寂寞春何處春在桑麻雨露中

破硯塵封懶賦詩晚年才思覺衰遲耽書自笑已成癖
煮字元來不療飢風月滿懷詩可寫雪霜侵鬢鏡先知
太公八十方榮遇把釣溪邊更待時

端午月山主人酒邊即事

窓外葵榴照眼明香蒲沁酒注銀瓶自無飲量堪同醉
非慕清名傲獨醒一日沈湘悲楚客千年弔古讀騷經
他鄉記節聊隨俗艾虎殊符挂戶庭
時序催人易白頭端陽懷古客添愁殊符不寫湘纍恨

角黍難包楚國羞
記節何妨斟蟻酒
奪標無復見龍舟
高歌思遠樓前路
掩雨珠簾今在不

寄謝蔡松江路教

一別半標又一旬
尺書多荷寄殷勤
交游滿眼誰知己
契濶關心獨憶君
蕙帳夢寒同夜月
松江人遠隔秋雲
明朝便買扁舟去
來訪貞陽舊廣文

和杜柳溪韻

白髮垂心一老夫
年來漸覺世情疎
石床夢冷和雲卧
筇屋燈殘共月居
客至何妨賒魯酒
家貧不肯典唐書
羨君種柳清溪上
借我苔磯學釣魚

和茅亦山中秋感懷

老來吟拙自知羞
好景無詩未易酬
湖海愁看今夜月
功名虛度十年秋
清光偏照盧仝屋
孤影自登王粲樓
我欲乘風瞻窟去
安能与世共沈浮

茅亦山相過

故人過我竹邊居
談笑從容樂有餘
洗盞共嘗春甕酒
挑燈對讀夜窓書
歸來尚憶淵明菊
高卧誰知諸葛廬
醉後達觀今古事
寥寥千載只須臾

上廉訪分司官

行部巡荒察吏奸
皇仁使節古刑官
聲搖天上星辰動

清過雲間風露寒肅政嚴持三尺法卹民特放一分寬
香名已覆金甌底便作他年宰相看

和鄭樞山竹夫人韻

玉環傾國起胡兵有色終汙後世名九夏專房何在貌
一身空洞若為情寵名本自無心得婦節從來徹骨清
愁見婕妤秋後扇共懷幽恨幾時平

斑竹夫人

汗清書墨沁微涼李衛魯携近竹床眼孔盈口省熱容
泪痕點々泣秋房湘紋冷淡宜湘簟玉體玲瓏稱玉郎
秦虢疏封無夢到傍人空以睡為鄉

遊虎丘山寺

浮生偷得片時閑古寺尋僧借景看樓閣倚雲山氣濕
轆轤捲水澗聲寒地埋吳劍痕猶在碑刻唐詩字未漫
寄榻禪房不知曉起來松日已三竿

賈秋壑圖

不學蒼龍卧浙東驚風吟珮墮青璫既無長策安江左
空有名園似洛中危棧連雲晴亦雨飛樓近海夜生風
人間富貴皆塵土回首吳山落照紅

聞鶴

寒蟾初上海雲收何處仙禽過庾樓清夜照人千里月

碧天警露一聲秋。玉笙縹緲縵山去。羽袂蹁躑赤壁游。
回首女牆舊。時事千年華表動。新愁。

和毛宜慰蓬萊閣韻

傑閣翬飛翠靄間。蓬萊元不在人寰。綠圍城郭千村水。
青過簾櫳四面山。華表鶴歸遼海遠。高臺風去夕陽閑。
我來倚徧闌干月。雲鎖重門夜不關。

送張按察移節江陵

滿載琴書事宦游。皇仁使節重咨諏。蒲帆風飽三千里。
綉斧霜寒十六州。荆渚行觀新德政。越人共憶舊風流。
市橋衰柳難攀折。只掬梅花送去舟。

次鄭朴國正見寄

雲深紅日出林遲。晞髮簷前力未衰。老愛歸田追靖節。
狂思入海訪安期。春風巷陌楊花後。故國江山杜宇時。
一種閑愁無着處。倚窓重讀寄來詩。

漁舍觀梅寄脩竹韻

寒雲漠漠護墻陰。瀟灑梅枝出竹林。影落荒磯和雪釣。
香浮老瓦帶春斟。幾憑水驛傳芳信。祇許沙鷗識素心。
回首孤山千樹遠。扁舟乘興夢中尋。

清明

清明時節已春深。白髮蕭疎忽滿簪。萍梗一生孤客恨。

松楸千里故鄉心
浸花窻下分紅影
挿柳簷前借綠陰
幸有故人同笑語
不妨沽酒共清吟

贈大禪寺昉上人

佛屋參差傍水涯
天然富貴屬僧家
油幢碧立當軒竹
步障紅圍繞檻花
隱隱磬聲春晝永
停停塔影夕陽斜
白頭道者留連客
自汲山家煮石茶

贈通玄觀唐道士竹鄉

通玄道士苦修行
坐見桑田幾變更
雲屋苔封燒藥竈
風林花落煮茶鐺
休糧賸有青松啖
卻老應無白髮生
月滿竹鄉騎雀去
欲邀子晉學吹笙

夜宴

醉月飛觴興未闌
蓬壺影裏漏聲殘
碧浮金鼎香脂煖
紅閃銀臺燭泪乾
艷曲喜聽催拍近
狂歌自覺入腔難
賞心樂事輸年少
一點閑愁了不干

隱居

編茆卜隱讀書林
門掩蒼苔一徑深
當戶曉山長識面
臨窻夜月獨知心
花園錦繡翻紅影
竹列琅玕舞翠陰
別是一般清富貴
何須滿塢積黃金

見梅

孤根偷轉一分陽
枝北枝南次第芳
照水曉妝冰鏡冷

橫空雪樹凍雲香未成林實調金鼎先占春魁伴玉堂
因憶西湖林處士年已覓句為伊忙

挽住宅雲

方擬榮除上玉堂玉樓有呂返仙鄉才過賈傳同年少
齒長顏回一歲止師友交情從此絕死生異路實堪傷
雲邊宅在人何在腸斷西風淚幾行

寄王愛梅塔下開館

諸生歸去暮庭空塔下游觀倚瘦筇千尺寶輪擊海月
七層金鐸語天風升堂儘可同僧飯持鉢何須聽寺鐘
好把新詩題舊壁他年應有碧紗籠

送人歸洛

白眉公子氣昂然年少多才名姓香腹飽儒書宗孔孟
心傳醫學祖岐黃秋亭聽宦遊吳會春館看花憶洛陽
老我自憐身是客江湖又送客還鄉

上李承旨學士三首

儒林學海老宗師每恨聞名識面遲一部山川司馬計
百篇風月謫仙詩玉堂揮翰思當日金鼎調元定此時
抱負大才應大用行看事業邁周伊

表已聲名動縉紳金鑿奏事舊詞臣曾中千古淵源學
天下十分端正人猶記演輪依日月行看聽履上星辰

枝南風北雲山異何日摠衣拜後塵
中朝人物總稱賢恬退閑居又幾年獨抱丹心長戀闕
因思綠野且歸田未應雋軌淹東魯行看文星照北燕
見說君王思國老宦書即下九重天

寄月山少監

南北相望各一天江湖久別思淒然迢遙道路三千里
倏忽光陰五六年清節立朝君可羨白頭為客我堪憐
折梅難寄江南信惟有新詩數十篇

哭劉月村

交游惟子獨相知此老天乎不慙遺行輩凋零止益友
文風寥落失儒師在生曾與傳遺像臨死猶能寄別詩
月落邨空人不見傷心千古隔幽期
三山秀氣孕英奇表_口才名冠一時唐殿策高簣不第
荊州人去槩何依傳家有子猶堪羨埋骨無山亦可悲
留得帚金詩藁在燈窗讀罷淚沾衣

和仇山村九日吟卷

暮秋景物覺荒涼觸景憑高遡杳茫
歸隱清如陶靖節
苦吟瘦似沈東陽烟橫晚浦蒹葭碧
霜落寒林橘柚黃
追想官當日事賜莫宴罷謝君王

寄錢竹深

夢斷膏梁記幾年捨身事佛絕塵緣把茆蓋屋孤峰頂
片衲蒙頭萬竹邊夫道才高交杜老參寥詩好動蘇仙
何當盡弃人間事特地來參一擊禪

見天地心松江府學題

乾坤主宰妙難窺識破端倪便可知陽動於陰分太極
剝窮必復露真機化工自有經綸處生意元無間斷時
萬象皆春從此始細參義畫究精微

白鴈

征鴻素鷁過南樓衣褐同群孰与儔雲外排行分玉季
天邊印字帶銀鈎高飛遠塞疑雲鶴低落平沙類雪鷗

夜月蘆花無認處惟聞嘹唳數聲秋

即席和衛山齋韻并呈顧淵白路教

燭夜飛觴客在山同看明月上雲端粘天水濶蟾光濕
捲海風高蜃氣寒會友幸逢三益在娛情休恨四并難
座中喜有能詩者便作唐時顧况看

梅魂武林試中

夢覺羅浮迹已陳至今想像事如新相思一夜窓前月
似見三生石上春的皤孤芳冰氣魄疎々冷蕊雪精神
料應楚夢難招至欲倩花光為寫真

書懷

湖海難 髣易絲平生壯志與心違
一千里外家何在
三十年前事已非
孤正首丘應待盡
鶴思華表尚忘歸
書齋兀坐懷今昔
淚落西風濕客衣

甲子歲旦

天開正旦宿雲收
宇宙陽回和氣浮
歲換上元新甲子
時同太古舊春秋
朱顏不逐年華改
清思惟從造化游
柏酒滿斟吟興動
題詩記節自賡酬

七言古

白酒歌為巖翁賦

火雲曉空日色烈
暑氣着人方鬱結
巖翁宴客山亭東
竹色葉香獻清絕
瓜削水晶蓮剖珠
象箸犀盤盛陳列
銀罍捧出白醪醅
透鼻香濃風味別
傳來未到心已寒
灑七瓊光瑩而潔
初疑炎帝行冬令
壺結冰漸洗禱熱
又疑仙掌流沆瀣
破 傾來和玉屑
誰向藍田拾瑤英
釀成奇液色澄澈
恐是太華丹中溢
脩綆銅瓶汲不竭
又恐夜半雷破山
石髓分流乳泉裂
既非西貉綿羊酥
又非緱山仙鶴血
胡為照眼光陸離
藥玉船中色難別
令人敢嚙不敢漱
怕有飛霜寒齒頰
一盃一盃復一盃
肺腑盡化為冰雪
憶昔曾誦坡仙詩
白酒無聲瀉油滑
開編自覺饒泉流
詎謂今朝得親啜
主人醞藉如此酒

氣味清醇韻芳冽糟糠諸醉六經抱負特施設君王作
醴思用賢應向商巖求麴蘖

侍郎亭

東隣花圃栽雙松一朝煨燼枝葉空侍郎亭前有雙松
至古今色摩蒼穹此木受命本千載扶持若有神始終
天留真質表文獻柯葉繁茂根本豐百年培植飽雨露
虬枝風撼鳴笙鏞掀髯相視雪鬢亡擁蓋對立雲童亡
不知天地有黃落玄冥失柄春無功雲孫峩冠立亭下
典刑如待乾淳翁昂藏自是廊廟具天矯亦有山林風
稜亡鐵面不可犯麾去秦爵如飛蓬諸孫奉酒立松下

森亡頭角皆虬龍

題東山翫月圖

斜陽紅盡暮雲碧一片天光涵水色海濤擁出爛銀盤
千里嬋娟共今夕主人領客登東山踏碎寒光看秋液
星河倒影浸空明露華溥玉夜氣清馮夷激水亡欲立
海若辟易天吳驚孤舟捲帆泊烟嶼古木撼壑生秋殺
憑高人在金鰲背閑看潮生烟渚外老龍翻海雲氣寒
長鯨捲雪浪花碎茫亡萬頃滄浪中屹立孤峰鎖蒼翠
山巔掃石羅樽壘賓主傳杯不放杯騷客掀髯賦詩去
山童踏月携琴來劇談浩飲不知醉仰天長笑歡顏開

倒著接羅欲起舞乾坤清氣入肺腑天邊風月空四時
眼底江山自千古謝安躡屐遊東山袁宏登舟宴牛渚
庾亮南樓今在否坡仙赤壁如何許滿眼往事轉頭空
千年人物俱塵土人生光景若滿流霜痕易照雙鬢秋
胸中勿著塵俗事看閒休鎖名利愁我輩適意在行樂
古人所以秉燭遊月山追憶舊遊處盡寫風烟入繡素
我來見盡如此景想像高唐猶可賦諸君後會應可期
雲萍合散今何之安得扁舟潞川去日与杖履相追隨
登山把酒醉明月共看此画歌此詩

醉時歌

茫茫古堪輿何日分九州九州封域如許大僅能著我
胸中愁澆愁須是如澆酒翹波釀盡銀河流貯以倒海
千頃黃金壘酌以傾江萬斛玻璃舟天為青羅幕月為
白玉鉤月邊天孫織雲錦製成五色蒙茸裘披裘把酒
踏月窟長揖北斗相勸酬一飲一千石一醉三千秋高
卧五城十二樓剛風冽冽吹酒醒起來披髮騎赤虬大
呼洪崖拉浮丘飛上崑崙山頂頭下視塵寰一培塿揮
斤八極逍遙遊



Large stylized watermark or seal impression, possibly reading '圖書' (Library/Book).

Small square seal impression with characters in seal script, likely '國立中央圖書館藏' (National Central Library Collection).

Small square seal impression with characters in seal script, likely '中央圖書館藏' (Central Library Collection).

Vertical text on the right edge of the page, possibly '牙才' (Yacai).

書